

光緒  
二十  
年  
印

光緒  
二十  
年  
印

何求老人詩稿真臘凝寒集

同商隱寅旭自邵灣步至萬蒼山樓次韻

西嶺雲生東嶺濃  
吾遊更在最在深  
中燈明古屋歲云暮  
星轉周天度未窮  
湖氣昏時開海霧  
潮聲過後接松風  
倚欄獨憶楊園老  
心事多同興不同

晦日次韻

湖上高峰近帝床  
携詩奏御赦臣狂  
莫教輦駕蒼龍蚤  
且放繩懸白日長  
浮蟻敢通春氣味  
寒花猶笑鐵心腸  
四聽笳鼓何多也  
只有山樓是故鄉

真臘凝寒集

朔日次韵

山岔澈曉爆交連閉戶先生獨不然千里雲興龍在野一聲竹烈  
犬之年勒迴栢葉寒無力約住梅花兩有權待我春光三十日膠  
牙婪尾敢論錢

仰天鳩觀瀑次韵

雨後喧颺枕上聞驚尋潮信者非真瀑聲故作江聲壯惹出龍興  
寺裡人

邀許大辛不至次韵招之

寄報西鄰許大辛歲時風土記須真龍山遍地吹笳急豈有新豐

獨酌人

再招許大辛

雨深門徑為君開不道新晴未果來石髓飲殘苗斷壁芋魁煨熟  
撥寒灰樓中日月寬相待檻外風烟到却迴壓得滿槽真一酒好  
從鼻觀聽春雷

過紫雲山廢址山下尚有小菴

幾塚寮垣剗未平艸根猶隱粥魚聲儘容殿角天魔舞不許山頭  
弥勒生九鼎興亡誰挂齒一瓢成敗獨閑情痴僧比似人間事它  
日羶廬想舊京

初四日喜考夫至山

喧傳洞口客誰何知是先生掃薜蘿茶果空山消息大車茵高閣  
打乖過消磨碧海天邊老簡點青峯雨後多無事放船歸太遽  
看日出臥鷹窠

凝寒倡和遠高臺出手呈君笑舉杯鷄狗猪羊今日異丙丁甲乙  
幾人來門風淡薄窮相守歲月閒過老更催寄與南陽小兒女籬  
閑好待晚梅開

悟空寺觀梅

海門瘦日遠天斜潮退虛聲吼白沙短袖閒又無事手荆山遠寺

看梅花

初七日湖塘

浪蝕長堤碎石黃乘風疑過亂礁洋可憐玉女雲車遠不管仙人  
鍊遂涼野鴨消寒蒲荻暝天驚歸老學齋香乾坤未洗今何日莫  
悞題詩報草堂

許大辛吳汝典至

嶺嘯林彈得五君風清月白勝三人詩情哭世痴無敵大辛新作經學  
論醫妙入神蘊近舉國皆狂遼左蜡一家別作海南春雖然悞醉屠

蘓蚤好是杯湖痛飲倫  
真臘凝寒集

漱湖夜泛

萬蒼樓下小舟橫與客乘風破太清俯檻明湖收碧落舉杯孤月  
伴長庚欲傾東海消幽恨先挽天河洗俗情忽發狂歌驚竹裂四  
山怪鳥一時鳴

陽明弟子傳豪舉

董蘿石許雲村與孫太白會集于此更名高士湖皆新建門人

至正遺民有舊盟

楊廉夫頌仲瑛皆有遊咏

自古虛

懸高士傳誰人消受好湖名山圍海眼南龍出星暗旄頭左月明

痛飲諸君休放手長牆一線早霞生

長牆山在東南

遊青山石壁

湖中氣候殊北陸疑朱夏未許吹律回先遣陰凝謝幽尋歷窅冥

及此翰墨暇振衣杉松香拄杖冰雪跨期我採藥徒青山斷壁下  
盪胸橫大海吞吐發狂詫詎聞曷侯怒但令河伯嚇浪噙嶼脚懸  
雨溜崖腹罅巨石鼃鼃遊細石龍子化稜角舊磨圓皴理新坼亞  
潮退沙未來沙日光相射仙人何道遙金銀作精舍戀彼孤島春  
不知天地夜我欲翻海水東向方壺瀉爾居何足安間此好樓榭  
日暮指虛無松風起悲吒

巢端明至山樓次韻

避世欣逢怪石林寒泉有句待清吟幅巾魚領南湖事釣艇長留  
東海心山水不移人聚散

端明旧年書云山水無日而改移朋友有時而聚散

雲烟無碍境高深他年同

傍茅塘住倚權岩花仔細尋

紫雲山古松相傳南宋時物

直放霜銅倚碧天海門曾記宋亡年江潮不至聲猶吼石髮皆髡  
頂獨圓翠蓋飽經雷楔裂紫雲長伴澤龍眠與君同洗冬青恨再  
見妖狐出殿前

酬吳郊叟次韻

青鞵破霧贈詩來矮紙斜行拜手開一夜譏彈餘石鼎幾生修煉  
到江棹南隣便許移床席北壁先教刈草萊莫訝先生遊未返錢  
山曾醉辟疆杯

錢墓松歌

湖南湖北好松樹紫海迴風在錢墓錢墓之松何最奇西澗童  
當古路雲車團蓋頂已平重樓突起青嵐驚九天啖唾綠珠墮金莖  
仙掌雲中擎東方瘦蛟潛出壑半截粗鱗隻錢角便旋斜向澗西  
來爪牙未接氣先攫蒼龍畫舞黃狸號蠻童放犢啼且逃寒肌粟  
粒毛髮動我亦拖杖求其曹墻陰又見隻松立一倚樓西一樓北  
岩囚穴械積雪埋誰放怪松如許直周遭流亞數百本感激昂頭  
盡修飭微颺細語天宇空回顧前坡戰塵失正氣長征爭日月光  
奇才飽得冰霜力群松羅侍老松尊大松為友小兒孫陰霾毒瘴  
真臘凝寒集

不敢入窮崖自閉蒼琅根松乎松乎莫浪語明堂太室重建監棟  
梁榱桷檐楹柱大匠耽：橫睨汝

其二

紫雲宋松圍一丈萬蒼明松八尺餘所爭二尺頗不足主人疑彼  
年歲虛我謂主人勿復疑今古豈爭尺寸殊紫雲未必五百壽固  
當係之在德祐萬蒼不止三百多只合題名洪武後其中雖有數  
十年天荒地塌非人間君不見三代不復千餘載漢高唐太猶虛  
懸不妨架漏如許日何況短景穹廬天除却戌年與未月宋松明  
松正相接寄語新松莫痴絕偷得春光搃無涉

自老岩山步至黃沙塢觀潮

磴道縈迂峭壁開狂濤毒霧闌喧聒人間路向雲根盡天外穀從  
日本來縹緲金鰲春信遠淒涼白馬午潮迴半生心火疑消歇到  
此方知死不死

湖天海月樓賦呈商隱

怪底神仙恋此樓南來好景一家收棟雲未作人間雨岩桂長先  
天下秋隱几越山圍研額夢闌海浪打床頭眼前奇絕遊難到歎  
乃穀中舊日愁

半榻梅花巧耐寒一時鷗鳥要人看乾坤盡處春常在日月生時  
真臘凝寒集

夜正闌窓紙舊糊封事裂漏泥新聖籙文乾把茅許菲墻東蓋蚤  
拂珊瑚弄釣竿

次韵酬寅旭

亮節傳經大十空太玄奇字笑揚雄牙籌入手星還聚銅表酬隨  
身日再中兩月湖山青眼客廿年兵革白頭翁登臺論易吾何敢  
避席聽君說大風

次韵和汝興

欲傍高賢買一坪喜來矮閣話多情梅妻鶴子同心隱海若山靈  
割臂盟細酌燈花寒有焰微吟茶浪靜無聲坡翁佳趣君知否風

雨淒然歲未更

元日存雅堂

蔚藍圓曜吐虞淵舊國春光到眼前海上山深方有曆塵間寒盡  
豈知年龍占旛尾從風轉鵲報檐牙得氣先賀罷高齋尋勝事雪  
消好放十洲船更約入山

淑氣蕭條感夢華溪村低閣候雲霞朝正拜表無今日甲子題詩  
有幾家閉戶共傾真歲酒隔年相見舊梅花東皇到處無人識欲  
向春風試小車

題梅次韵

真臘凝寒集

遍地繁花不耐看  
雨中爭發雨中殘  
若非存雅堂前見  
天下梅花改歲寒

家書先寄老梅看  
雪後瓊芳次第殘  
由得南陽真種子  
春風相見不多寒

### 重過山樓

事有不可料  
出山復入山  
藥提村女笑  
雪泛故人還

許大季欲爾和  
汝漁見訪不過賜臘

彭城舊蘇即仙遊

秦馬出山為遊秦驛而  
阻雨竟不及登慳

不逢湖海士  
幾使百峯間

朱四津至始  
決重遊之興

事有不可料  
思歸竟未歸  
詎愁山鶴怨  
真恐友生回  
違茅屋唐灣  
結松窓孟瀑飛  
此中閑氣數  
不是戀漁磯

商隱許以唐灣地置予  
且欲買孟姚瀑為精舍

### 贈邱將軍維正

精舍相逢錢笛吹  
南山射虎短衣隨  
神仙畫是英雄老  
隱逸酒看志節奇  
策蹇怕通牙  
拊謁負薪親  
遇好官碑海鹽署門官碑云天下  
第一好官邱公去思碑何當笳鼓  
歸來競補滿江紅  
一閣詞

### 題黃麗農表兄畫扇

兄自題云時浪遊江北思  
江南春好寫此以志旅懷

北苑罽頭土脉肥  
惠崇年遠點霏微  
一塘柳絮千門入  
滿塢桃花半閣圍  
白晝遊絲蝴蝶弄  
綠陰細雨鷓鴣飛  
江南春色年常好  
猶是王孫不戀歸

### 出山苗別商隱

真臚疑寒集

翁  
兩月春風坐不知一溪春水動離思願隨正叔長論易真為雲  
更學醫高帽深衣分歲事短檠長枕聽潮時此情不待歸來憶只  
在湖樓已醉痴

汐社風流到海邊月泉句子澈湖圓三間許架眠牛地唐灣即高隱  
蓋其尊人地廿畝

同租養鶴田許雲村以田贈孫太初名養  
鶴田有鶴田券即在湖中令節獨依吾輩老名山端賴此遊傳春

深不倦登臨興一曲烟波別一天

何求老人詩稿零星藁

僧筇在寄詩次韵答之

筇在為宣城沈眉生從子時欲興造開堂募緣明州遣予  
會葦菴客同遇于桐齋謂余曰願先生扶翼名教不教貧  
僧倒却刹竿余應之曰和尚倒却刹竿便是扶翼名教

送玉埋沙到寶幢抱泥赤脚下寒艘三生舊夢猶存性一夜愁心  
不在腔細路酸風歸竹浦半篷乾雪過姚江且來對卧桐齋榻話  
破蠅鑽故紙窻

屬  
青娥皓齒未止人底事金襴問主賓魚服乞奴終有辨龍王眷

零星稿

一

辦本非親琵琶既識關氏恨演揲偏完摩睺姻例却剝竿君會否郭  
香滴乳辨酒真

送孟舉北遊

從來未有經年別匆遽輕為去國圖自檢平生非法正直臨歧路  
說楊朱時無人物成名易古有遊觀得力殊此際只須重下轉可  
知獅子是神狐  
當年豪傑經營處今日詩人取次尋千里寄君隻眼去三秋報我  
一燈深立園策蹇追時局茅屋魚羹祭舊心南斗北辰天外看肯  
從酒市碎胡琴

送吳孟舉北遊臨行予以背瘡作惡不得執手

欲出北門別其如疽正高幾忘肩背失猶倚脚根牢酒任俗人把  
夢從今夜勞風流隨地得疾置一詩舫

孟舉以詩見寄次韵奉畬

苦憶清癯客遠鄉况禁風雪勢披猖橫行紫蟹秋當路人立黃狐  
畫跳梁直恁聰明何待說由来妙用得如巖外間有語吾從衆扭  
鵲無須寶玉當

獨

冰沙陣、馬嘽、驛信傳來近狀安閔吏乞書舩屢駐酒樓脫稿  
客爭看奇才難得應珍惜勝友雖多自減歡那禁管弦留客醉蜀  
零星稿

遲觴味對清湍

九日懷孟舉

每逢勝節思佳會獨把清尊起嘆嗟  
好友風情留白酒古人臭味  
在黃花龍山鳳嶺忽千載走馬鳴鞭別一家  
寄語題詩臺上客休將高帽落泥沙

題高虞尊畫像三絕句

方君負日墻陰際雅集諸公問謝彬  
圖未十年人面改當時悔不畫斯人

幕師謁客法堂閉眼與眉毛弄一迴  
君向名山且高坐等閒莫遣

下床來

小閣攤書木榻枯春風坐對久忘吾  
閉門休嘆無良友只恐開門負此圖

訪徐州來由飲

以下癸丑南京遊稿

竭來欲覓風斤質高柳新桐護孔廬  
久坐香生開寶繪閉門潮上賣鱖魚  
飽餐家飯搜閒句強拉時人說古書  
漢本嘵噪孤另者對君不覺又粗疎

短：軒窗靠水邊秦淮春漲碧油天  
雨花教點客初過反舌一聲  
北句正圓蟹眼浪中烹席斝蝦鬚  
影裡漾燈船酒酣示我當年得  
零星藁

固峰頭月更鮮

州來于北固讀書有得

訪黃俞邵面飲

十年前識舊春坊黃坤喜說無雙江夏黃自是夢魂常時照屋豈期  
醉影畫登床帖臨定武肥鈎本畫辨宣和小篆章斗室風流看未  
足爭教老眼不加狂

莫嗟難借似荊州生子誰如孫仲謀紅豆獨留千頃記絳雲曾怪

六丁收千頃高俞邵西世藏書處錢虞有記絳雲樓虞處藏書處盡燼于火紅豆虞處也

日鈔經學公家事零落崇文內府愁

我亦牛腰尋幾束較儻千里置書郵

訪周雪客留飲

遙連堂下雨苔錢堂上讀書跌隱甄此世界中能有幾但相逢處  
莫徒然微凹宋硯輕苗墨軟皺宣爐靜吐烟手錄焚餘隻淚落未  
教人省小斜川焚餘襍園集名

雲烟過眼嘆無餘金石浮江尚幾車王粲得者東觀本穆修自賣

柳州書交情襟坐團傾蓋家學深燈炷倚廬可惜輕苗短劍平生

無分掛南徐橡園喜子文恨未相見云

飲徐揚貢河亭

秦淮連臂蹋銅鞮倚檻論文飲似泥白髮樽前何眼晚青峰江上

盡情低古人詞版死猶惜揚首述震川子孫欲安列震川集忽見夢屬詞之曰毋壞吾文後將有識者為之近世旗亭醉更

零星藁

題歸理舊經還歷：枕邊一夜子規啼恨

集飲黃俞邵竹齋次徐州來韻

不遇雲將過鴻蒙且自東牽連高士傳收拾故都風素壁爭殘炤  
新篁戀舊叢話深增逸興消得老顏紅  
吾巢寒獺似君架蠹魚然此外無多地其中小有天兩瓶千卷破  
四座一人眠明日將軍報門前促和篇

集孔廬次前韻

招携誰勝友雅集任西東研潤迎梅雨書翻擘柳風空拳麈席穴  
奇跡鑿蠹叢侑以先朝函裝題篆顆紅

世事漫如此吾徒殊不然相逢狂處國借問醉時天客遣陶潛去  
人容院籍眠歸途恕爭道得句未成篇

再集雪客遙連堂次前韻

我來君恨晚雲散水方東地下孤琴淚人間一蓬風檢書摩印識  
洒洒酌花叢此意難消歇年々鵲味工雪客述其尊公見知愛  
紅字文有恨不相識之嘆

吾友頻稱嘆茲逢故宛然竿頭挑碧海劍外倚青天香穗消微醉  
燈花照不眠爾時真趣至為我闕聯篇吳孟舉極推雪  
客類陳孟公

次韻和俞邵飲遙連堂詩

無多酌我已狂來小戶難禁教舉杯鄴下大兒呼北海江西滴派  
零星稿

問東萊茶鐺火候仙家法  
花圃經營王佐才  
莫以尋常輕燕集  
一生襟抱幾迴開

虎視諸君當數州  
吾衰抱膝本無求  
鶯花有恨詩猶壯  
天地無情鬢已秋  
萼艸王風千載闕  
雲烟金石幾家收  
何當醉臥書桌裡  
一任乾坤日夜浮

節物驚看又漸新  
街頭醉舞舊都民  
消磨劍氣歸蒲劍  
束縛雄心到丈人  
自古有情皆寂寞  
吾曹得句不湮淪  
憑君索我吟教苦  
月墜寒江哭楚賓

圖經點勘露凝丹  
好處難忘掩更看  
劍術未平金自躍  
鼎烹有法玉同餐  
支離九節仙人杖  
零落千梢帝子冠  
為我家三懸一榻  
循環坐臥縱遊觀

遙連堂集飲次雪客韻

春江東下客西來  
激灑傾君江上杯  
杜宇冬青愁鬪鬪  
玄猿山竹吊蓬萊  
夜臺沽酒誰知己  
驛壁抄詩我愛才  
十載口中生石闕  
無端今日鍊函開

莽蒼烟認九州蕭  
白髮更何求  
靈旗不轉魚龍夜  
華表空歸鶴鶴秋  
南渡風流燈下出  
六朝香艷雨中收  
酒行誰執朱虛法  
但話傷心大白浮

頭銜初試五湖新却聘羞稱遊惰民公豈非耶天下士吾真老矣  
眼中人買瓜門下逢休勳舊看竹城南記隱淪便欲忘形呼治具  
龐家賓醉轉留賓  
櫟園鈔本印猶丹樽酒論交許借看把卷當時輕一醉閉門連日  
廢三餐卑無高論驚前席老不中書謝免冠塗抹狗君：更癡夢  
中語亦作佳觀

王安節函端陽賣花圖次其韵

木榻蕭然晝睡濃開緘一笑老狂同不知蕭鼓為端午但見葵榴  
是越中物態牢籠石田句花頭點染白陽風故園此際誰收拾落

畫闌干大半紅

午日有懷

象生纏縛絲絲新八角靈符巧稱身乍喜小兒為造物忽驚老子  
是陳人鼓聲死帶敗軍氣髻樣高遺止國塵唱徹邊關爭笑舞不  
知其樂是遺民

故鄉此日尋幽處小月泉亭倚碧梧小月泉為自牧與陳霜感諸子及吾兒讀書處細抹雄黃分稚子  
拍浮大白欠狂夫日長齋長添書課暑過園官急水符昨夜寒林  
聞石語何如倚櫂逐吾徒

集飲丁叟水檻

繁華易傷心細事到妖冶當時佳雨場老柳噙病馬南院騰紅橋  
遺鈿出斷瓦隔水誰家樓勾欄巧撫寫挹茲好事徒水邊傳杯掌  
丁翁九十餘瓌碎醉告我行在駐建康風流速老者平章引學士  
共結香火社秘戲達禁中新詞鬪妍雅大事一朝去急雨棠梨打  
辱井既出陳魯港亦走賈縷衣落湖湘電裳張廣野魂歸后土荒  
有花不堪把止翁勿復言我已教行下此淚與君殊不為秦淮灑

得孟舉書志懷

夢過橙齋一笑颺打門驚睡手書開書中亦說曾相夢莫是書從  
夢裡來

金陵半載坐鈔書戶外岑巒盡不如恠我登臨何太倦要留足目

到匡廬

孟舉約共遊廬山

自古相知心最難頭皮漸送肯重還故人誰似陳文海便恐催歸

謝疊山

燕中友人欲購致余孟舉以詩為我却之

哭查漢園

吾道方衰颯得君殊浩然廿年疑鹿洞一夕破天泉  
誤處翻成益回頭突過肯何圖妖夢速大擔壓誰肩

初于朱陸有疑間余言乃決然悟良知之非

童子成名早奇才冠一軍正馳燕市馬忽赴華山雲省劄塵床角

邨燈語夜分

季秋家人逼之赴試給以入省竟過余東庄兩月甚樂漢園為選負有赴者起送文書至今留榻間

此懷誰復似哭楚大江

零星稿

八

聞

過州來柳浪

江上弄海月忽過岸柳根柳根隱危構照此窓中人幽賞淡相喻看看  
核見情真寥々會清響四座聞無聞疎簾隔烟景遠火生波紋市  
近儘夜囂艸閣如江邨因思喧寂裡不在所處尊舉手各散去白  
月還當門

再過州來柳浪

火車盤屋角矮窓中如甌炊床几能炙人坐卧失所宜西溪老孺  
人木榻為我施置我碧梧下清泉徐濯之江閣水氣深曲廊生微

颺乍定煩疴蠲稍安發清思信手摩卷帖繙吟宋人詩宋詩亦可  
好頰類此景竒脫落散律塵澡以冰雪姿風雅理未息漢唐或在  
茲知音古寔難記免末俗疑相對三嘆喟秋陰來晚陣

州來六十初度飲松堂

恠松身壓欄叢桂童子舞閒庭一俯仰意象隱高古讀書六十年  
鄰穿不知苦令人望其氣健如三日席志士喜危言熟客多忌語  
上壽同進詞願脍各不吐遲回侍清晏燕虛堂過秋雨飲以江陰  
春青霄開洞府醉出一峯四畫其半方壺補上有劉李題歲月識  
洪武豈知尺素縑千載苗公輔它年一何年重題期予汝

訪王元倬苗飲同州來子固

行時曾問黃民部指九烟到日先尋王孝廉好為老成苗卓茂休將枯  
稿怨陶潛洞天聽雨眠精舍海舶占星拜里閻斗酒相逢真樂事  
忽提舊話涕重沾

古屋燈明窓眼紅深衣拄杖立秋風上書却聘謝枋得持咒盟神  
鄭億翁萬事已非吾舌在九原可作此心同同年曾廣遺民錄豈  
謂牽連附傳中

同州來俞邵子貫訪胡靜夫

千里尋殘書相逢詩酒徒詩酒足忘歸最後得靜夫結室北山麓

逸砌流珍珠昔時園橋門今為旃毳塗幽州老健兒拍手笑腐儒  
亦復敬其孝未敢輕揶揄講說驚馬隊苦吟雜鳴笳握筆不肯下  
往：追黃初今日共斟酌慨然唐與虞不知舊有人於此論此無

靜夫尊人曰從吾老人苗飲今年正九十

盛世恨不見得見盛世人如見盛世焉君有九十親生逢神廟間  
貌古性亦淳海宇忘兵革冠佩何彬彬：當時不知好今憶真天神  
三十後少年語之笑且嗔一家自相傳別作江南春爬搔進鷄豕  
揖客同其醇我聞洪武初尚遺德祐民江山既澄霽景物還鮮新  
扶持鶴髮翁狂笑濕紗巾

又得許大辛山問哭之

今年何運數兩月哭人豪一抹龍山小隻埋馬鬣高報書無訃日  
為位向江皋古路東南盡誰同看海濤  
貧還苗習氣老不避波瀾書本儉兒笑衣冠索鹵歎醫庸投藥乳  
子幼治喪難自恨茲遊遠無從送蓋棺

題倪閣公畫其子師由小影詩卷

五世韓家記舊恩嗶咿殺裡慕劉琨陸湘靈傳曰慕劉琨為人名越石字師劉後又慕張良字師由可憐舉世人  
心死不及師留年少魂  
魂語猶珍舊讀書沒后閣公夢中托囑收拾舊韓文若教續今更何如諸公莫嘆渠年短老

不讀書短過渠

秋夜看君哭子書詩油燈焰冷藥迷離乍驚老淚無端至我亦傷  
心白琴兒白琴子第五子以瘞殤

兩中同張鹿床飲黃俞邵小齋庭水驟溢架板乃渡用杜詩

伐竹為橋結構同為韻

欄舞青鸞尾乍垂珠跳窪白漸成池殘詩未了兩聲得舊夢還來  
酒力知那禁卑之無甚論行將老矣豈能為鑷頭且向深山刷半  
箇難尋斷絕時

打窻不斷雨瀟瀟影動闌干抵畫橋南嶽尋僧聽夜瀑西臺約客

零星稿

拜秋潮恍疑身向水壺墮未覺魂從玉佩招湖海尊前無此會宮  
嵐塔霧豈能消

典衣購本興還同錢板售文事轉窮客路歲時時詩句裡帝京景  
物雨窓中爐消烟穗成蒼狗研洗秋泉起白虹不是故園書問急  
蒲帆容易掛秋風

次韻答鹿床

妖彗字奎壁太白旗失搗半月化虫尤繫豈人力為么膺鬼結璘  
空負萬古悲帝醒沃未解便恐鐵網追靈曜逐遊戲匿影忽在茲隊  
伴一相失烟澣萬里歧鮫蜃拾寶琲零落散涕洟但知人間哀豈

惜行脚卑未遇紅羅人騎羊困犁眉白曲左仙才髮短雙耳垂火  
滅晝復然勘驗薜荔帷骨法食煨芋長鏡安得隨黑風鍛鸞駟天  
鍛度世資淡薄不肯留時寄伽毘雲車遠問訊日暮寒江渚過從  
千頃君絳節持報知除地焚異香不識年代誰左手挽天河開襟  
三洒之秋浪撼竹尾壁衣生華滋掀髯鼓禿吻負墻吐妙辭玉女  
為輟然成此一段奇向來載道器六籍無不宜葱嶺乍梯接生令  
炎宇衰經訓既荒落毒弔空畬苗幸賴兩宋書三代復有期何當  
龍場夢收管江門詩大陸竟平沉雨實恒星移澁縮釣鰲手嘆息  
窮髮涯頗聞麻姑言楊塵行及時棟材飽岩雪勿損梳雲姿

留別州來

雨罷暑力微再雨暑氣竭秋生簟骨中絺衣衫告將別歸思燈底  
來隨焰不肖滅但以之子故翻枕未能決相見一長嘆知我動離  
轍飲我贈我言冷々更清絕檐柳爾何聞臨風亦蕭屑柳情豈有  
殊人意換淒悅去矣但相思庭心共寒月

別白門諸同志

新知挽我住親如水中鷗故人呼我歸遽如雨後鳩新知試初別  
離情固難酬三復故人書中有千載憂歲寒天地閉吾駕不可留  
願廣故人言轉為新知謀性命易聞達知者慎所求神龍自淵居  
玩哉安能收志壹足動氣鳳鳴麟在椽意趣苟不殊豈怨道里脩  
秋江晚浪多布帆意當中流上懸兩地心日夜同孤舟

和種菜詩

自牧出平時輩和菜詩甚夥皆不堪置首不禁大笑走筆和之

園官菜把近來尊但得王孫手共捫糝點村莊何處好教聲寒豹  
出籬根

雕欄曲和護綠畦斜土沃肥多易長芽蕨麥兔葵爭一笑此間那  
有故侯瓜

又自和二首

婢嬾奴驕老僕尊先生自把鑿頭捫閉門不入英雄隊且了殘書  
零星稿

芥菜根

一陣西風箬笠斜  
冰沙堆裏養萌芽  
鄰翁怪我憺懼甚  
颺却甜瓜下苦瓜

孟舉索予和又成二首

有理方知果  
蔬尊無機任取  
瓮樺捫架繩引蔓  
還枝葉刺草挑虫  
到本根

苦竹樓纏馬眼斜  
怕教蹴蹋水晶芽  
老僧記得曹溪案  
不入園人

許喫瓜

予未及遊黃葉村庄故云

喜張午初携天木遺詩過訪

風雨邨堂話舊杯  
十年收拾苦瓢開  
都從店壁僧房得  
不向名門社版來  
老嫗移床悲剝藥  
天木病廢飲食取皆午初與二老嫗扶持之  
山翁携酒哭新苔  
自慚許劍成虛語  
把卷隨君盡一哀

胡山眉瘞天木于家山同午初過訪感贈

昔友稱君不厭頻  
許君果不負斯人  
墓田馬鬣窮交塚  
寒日鷄豚拊祭賓  
一事必傳成獨行  
三生重話轉傷神  
秋風野蕩茗溪路  
石語荒林萬古新

至胡天木墓所哭之

生死論交宿艸愁  
一杯三載到荒邱  
不全詩藁諸峰在  
未了心情

大壑流海畔已無孤竹待地中敢有夜叉收可憐華表歸何處鶴  
淚千年匝樹頭

過胡山眉 戊午

誰傳消息漏行春一笑相迎岸幅巾屋角梅疎深避俗墻頭山擁  
亂窺人醉餘茶味交情冰夢裡書聲習氣親准備芒屨隨拄杖億  
千峰子億千身  
邛遊佳處輒欣然况復層巒媚眼前便擬出門成獨往不辭下榻  
試高眠泥君造酒一千日老我尋詩五十年細雨綠蓑何處著青  
山潭裡小蓬船

題張午邛楊園竹屋次夏古丹原韻

黃州舊樣變新裁大匠方能斷異材燈借千章開郡國蜂爭一寸  
起樓臺指麾漲水茶梢出偷放黃山竹下來說與漢舟休浪泊天  
風引去小蓬萊

屋與方床看一般破床作屋十分寬水痕退後魚蝦聚雪意深來  
烏鵲攢驟有花開爭座位久無客過報平安舍南咫尺邛場鬧掩  
却疎籬對莫干

莫干西南最高山為  
干將莫耶鑄劍處

初月橫斜玉一弓軒轅屈曲絡墻東捲簾林影三更變倚枕溪聲  
四面同風過笛淒綠眼裂雷當琴吼柱心空儘將渭北湘南意收  
零星稿

拾圓沙結構中

繡閣疎櫺記舊家寬袍破帽刺中華身營宋室藏經穴手種秦人  
避亂花秋雨移床愁若海春風隱几夢如麻莫嫌路斷無供絡釜  
自生魚灶產蛙

蕭騷晞髮任天真抱甕行畦不記春兩紙窓前尊北面一茅蓬下  
結西隣梅開鳥語同妻子酒熟人來忘主賓恠底迨時常閉戶出  
逢狂伴輒經旬

縛竹為廬計未痴卑棲原勝最高枝危磯怒瀑妝聾耳疊嶺斜陽  
熨皺眉紅雨亂時忙紫燕綠陰濃處老黃鸝此中領得東坡趣歲

暮青燈事捻宜

衡陽周令公見訪村莊

四載聞聲一面遲虛堂落殘又離思君山南望家猶遠湘水西來人  
未知鈴閣銀舫浮舊史倡樓錢遂按新詞邨中花木爭迎笑也感  
恩深曲護持

龍過金鰲淺更清宮槐鏤院舊題名報仇非復楚三戶阿世何須  
魯兩生斜照西風頻刺眼清宵殘月最閑情楚航倚檻微醺後夢  
逸江湖秋水明

富園水閣  
名野航

衡陽周令公同孟舉過村莊小飲贈句次韵奉酬

零星稿

十六

趣木犀香到郭南醉看花影結成龕老拳爭健手誰毒苛政行觴  
尾亦婪客舍風情歸興引故宮遺事夜深談錦囊投瓮分門品別  
為狂迂置一函

聞呼入竹恠離群三食神仙性避芸塞徑長蒿綠客補遠臺深艸  
為君耘且封錢匣歸寒甃未放蘭亭出古墳原詩有敢向右軍求襖帖之句不愛輕肥猶  
失脚他年馬上笑吳雲

送周令公

遙傳江岸柵未放漢原槎世摠非吾土君今何以家久君移習性  
隨地變生涯姑少安無遽寧愁楚道遐

公相人非易吾求客亦難誰更紅壁幟莫說白衣冠老逼文心壯  
窮消詩骨寒瓦盆煨芋熟留客夜深餐

黃太冲書來三詩見懷依韵答之

越山吳翫兩曾勤何日亡之詩不云倚壁蛛絲名士榻荒碑宿艸  
故人墳相從歧路招楊子誰出蘆舟載伍員慚愧賞音重鼓動枯  
桐久已斷聲聞

村裡獅兒不出村風吹苑菊戀香根公于此事不得已吾在斯時  
何敢言矮屋扁懸真世界隔溪笛弄晚精魂短書持傍斜陽讀又  
向人間辨晝昏

零星稿

莫道如何與若何，老來况味也無過。  
王通弟子麒麟早，韓愈文章琬琰多。  
鹿洞舊曾書法語，江門誰復領漁歌。  
知君自定千秋業，那許餘人妄勘磨。

晦木過村莊用太冲韵見贈依韵會之

少不如人壯失勤，老思秉燭亦虛云。  
甘蕉修竹分三徑，退筆刪書共一墳。  
屠狗儘占麟閣相，釣魚且備客星員。  
江南江北今零落，正欲從君廣異門。  
雨送梨花雪滿村，故人屐齒印籬根。  
不知老去何奇計，酒記前時有戲言。  
彈指琴聲閑殺運，捲簾香氣返生魂。  
知君意興還強在，細

楷微吟眼欲昏

惟寐忘之奈醒何，殘燈舊夢眼前過。  
及今曉事已無幾，自古傳人本不多。  
悶閣驚聞高士唾，新詩怕遣艷兒歌。  
還嫌墨鏽苗端石，手挽天泉細濯磨。

山中絕句

山深白日冷飢虎，畫獸人拄杖雲邊出。  
菴僧老有神長篙，打竹牌帶月弄溪迴。  
夜雨灘聲惡誰能，送水來為僧諱喫葷。  
蔬笋信比隣，偶過山菴裏偏逢送酒人。  
朝：潭上坐客到，嗔不知去亦不相送。  
怕驚野鴨兒零星藁。

山作莊嚴相石成迂怪風幾時春暗度流落小桃紅  
借坐茶亭下沙彌拜白椎賴我不曾會：即汝為師

初夏同徐穉陸坐長灘

對坐空山久籬為圍艸跡深枕邊春鳥白燈下古人心孤負襤衫  
飢荒唐海岸琴眼前風雨變咫尺礙追尋

此事疑誰質吾生老未聞同者千里月祇隔一溪雲破碎還全體  
從容見細分由來多自得無復記紛紜

送徐穉陸歸黃州

蜀雪消時漢水來江湖逆浪一帆回三千里外何為者五百年前

安在哉書不厭多須會讀意能見大始知裁故人底處遙相憶獨

上荒榛望魯臺

望魯臺在黃陂縣東南明道先生所題有二程先生祠

有感

聖處難窺敢責渠呼兒作賊轉傷余陳翁大約命諂耳范母終當  
教惡歟神物定安砂土窟通人或帶馬牛裾醴泉圃汁原無別請

問鷓鴣與蚍蜉

新秋觀稼樓成

壁立千尋沒蓋遮玲瓏四望八窓斜寒風旭日鷄豚社翠浪黃雲  
煥鵲家老老奈何痴造屋春來猶擬醉看花登臨怕到傷心處強

零星稿

引兒曹一笑諱

歷々高明雲物新向來蒙翳摠微塵無多敢架三層屋不礙還容  
百輩人惡竹陰藤經鍛鍊碧梧烏桕露精神萬方一槩聲逾晚獨  
倚危欄病後身

檻外風烟未有涯床頭乾掛舊青谿韜久知望遠登高樂近覺求  
田問舍佳處得好客秋入座護教殘月凍升堦平生心事消磨盡  
肯為行藏動老懷

賓友招携興趣同各家池館有門風空中自可安康節地下誰當  
卧許公雨潤犁鋤程積力霜晴刈獲策新功敢因竊附村名好寔

愧南陽躬未耕

台州王薇苔以長律見贈次韵奉酬

雲跨冰懸三十年虫沙猿鶴摠雲烟夢闌東海迴潮後愁過西湖  
落照邊靈翳蛟龍移舊穴荒臺香火走群賢相逢裘敝無人識好  
耐桐江五月天

讀薇苔桐江隨筆再次韵奉題

井底書還記漢年壁中經不受秦烟翻從佛院存吾道且把神州  
箕極邊德祐以來當別論永和之際愧諸賢但看舌在斯文在何  
用范々問醉天

零星稿

何求老人詩稿東將詩

壬戌

九月二日同馬允彭篋侯董采載臣陳鏞大始嚴鴻達賡臣  
查樞左旋大兒公忠從子至中放舟東遊

老病感觸多細碎氣上逆知非攝生理微動悔已積諸子憫吾衰  
扶携事遊歷澤國久雨後浦溆水充斥村艇宛轉通埜約高低格  
日出雲物高露光百艸滴木葉聲蕭然未露顛頽迹誰抱不彫姿  
霜雪行相益舉酒共斟酌長幼以次及揖讓見古歡脫畧非真造  
對此意欣然不覺夙疾釋洵知守舍翁不如遠遊客

三日至海寧尋陳敬之不遇

東將詩

停橈斷堰傷為問龍山友曰既山中人城裡復何有  
可憐楊子雲閉門無酒至自投有酒家欄圍說奇字  
屏息划槳兒紛：車馬過深山古鑊頭尋人或半個

晚泊玉虛道院遊名園欲觀海棠園丁索錢不得入悵然放  
舟

曾聞老友爭題咏國色天香擁畫樓今日我來無一個他年此画  
或千秋鮫宮深鎖妃長恨蟻垤旋封客細愁吳苑維園誰把翫尼  
菴道院儘優游

一作眼底廢興基馬交尼菴道院舊風流。茲地為徐大竹故  
居海棠其旧物也外有香谷菴及玉虛道院皆古蹟今犹存

四日從龍山遊金粟至邵灣訪商隱先生舟次戲述

平山如雅人夷然意自遠小山如健兒結束氣精悍顏者老木強  
拱揖山衫袖短銳者英妙姿鋒鋌先入眼削如古衲臞長如病夫  
嬾性格迥不同離立門戶短斷碧水滌其間宛：沿脚轉一峰一  
致禮詎敢左右袒忽然舟尾橫已失數客款有時帆折旋獨與前  
山善去住本無心親踈自生憾看意事周旋往：遭簡點夜對南  
山翁自覺俗情淺

簡字遊  
諱

重過湖天海月樓

兩湖顏色已非昔衰骨爭禁十四年已酉冬度  
歲于此看種寒花今果矣同遊

宿草幾蒼然

指考夫文  
辛端明

尊前湖海開荒眼杖底雲霞壓病肩從我誰歎

大  
艾作作

東將詩

休浪喜東南記有大因緣

五日同商隱諸子登雲岫

南湖南岸南山頂萬里滄洲一釣磯初見諸生驚絕異重來舊友  
辨希微濤聲夜撼魚龍夢霜氣秋迎雕鶻歸待得陰雲不多日隻  
輪並出散朝暉看壁在十月朔

五日從珠花泉秋月下山欲尋仰天鳩瀑布病不能上遂

循中塘東行沿湖見水玉蓮甚盛命童子採歸種山潭中

鷹窠頂畔循尋瀑布病骨支筇怯危路緣山宛轉兩湖通一線長

堤鏡中渡南湖屈曲北湖橫湖底沙深百艸生莖荷無主自開落

隻鷺飛遙菰葉明霏微何物香生好顆：圓珠出波小誰家妃子

弄潮來踏遍玉蓮歸鳳島老夫亦有青山潭：口芙蓉護草菴帝

女散花愁濕襪諸天今莫采優曇

六日同商隱遊澈浦登青山石壁觀潮示諸子

一點圓峯坐位尊枯筇東指渺無痕能觀海者難為水欲問天哉

何所言絕壁益堅窮老骨晚潮特鼓病衰魂是日潮未應至蓬壺寂寞神

仙死方士樓舩那復論

集飲吳汝典書屋

不惜麻鞋力泥沙雨後尋書面前輩跡酒滿故交心大樹小庭壯

東將詩

明窓陰洞深歸鴉隨路黑亦記舊棲林

七日至海鹽訪令脩尋書飲其齋

蕭疎門巷舊精廬憶共高髯醉掃除謂旦心固不盲猶瞖目今脩今病形

如可毀且浮屠統籤好緝唐人句梵本空刊竺國書和尚譚儒居

士釋旁觀顛倒一軒渠唐音統籤今修粗所緝全唐詩分甲乙十籤今修近刊佛經余勸其不若刻完統籤所少不過十分之四耳

八日遊秦駐山又值潮至

每至東臨奇絕處素車白馬輒先來相逢地斷中華盡送別秋高

落日迴萬國波揚迷禹貢十洲船冷候秦灰茫茫四顧愁生遠月

出城陰感粟哀

### 秦皇廟

魯連東蹈處秦帝閱神宮相見應嘲笑于茲豈德功碑眠樵火斷

殿架海雲空何地君宜廟長城紫漢中

八日同隱集飲朱戎賓樹滋堂

曾尋舊臘澈湖灘結伴同過掛釣竿一再會人銜跋換十三年事

酒杯寒彭城天狗來何為秦駐雲樓見自難唐成正月于存雅堂見天狗墮時約渭津遊秦駐以雨雪不果今夜

話多休勸醉地鑪煮茗盡君歡

九日同商隱諸子飲裴翰健飛小齋

十年秦嶠尋殘約九日蕭齋合舊盟島上烟雲留正氣座中人

東將詩

黃見平生潮方吼際海純紫月漸弦來樓半明醉後圓伽容易落苦  
花風急頂毛輕

十日夜泊海鹽聽雨曉至樹滋堂清話時為挈舡所阻

海臣風雨多氣候若不定秋深木落時地濶衣裳烝岷市晝閑檐  
蚓竅宵啼徑海雲片席飛現界經星暝城陰鼓聲歛點孤蓬聽  
乍細忽淋浪漏滴寒衾迸披褐起危坐擊石火光諍頭觸小夢回  
推窓路泥濘知親慰我憂高堂引幽興已聞語入微詎患愁添病  
名山與良友平生同性命茲遊愜所懷險阻皆佳勝但思風日美  
虛舟儘垂矻

十二日舟中坐雨商隱復携蟹麵相餉遂同飲

樂短愁嘆長跣步生百忌人間拂逆多病坐求適意出門期經旬  
淹冉十三四登臨興未已夷途化危地世亂土風移感憤指津吏  
夜來風雨惡亦豈閑人事掩我箬篷窓焚香理清思稻垂蟹黃肥  
好友提籃至持螯馮瓦盆情重輕一醉留連歡竭盡酒醒發深悖  
再拜 慙勤自古惜斯義日皞波浪平歸帆引天際事後心境殊  
回思良不易閨閣軟煖間何由攬竒致

十三日集飲張小白涉園

吹城裡雲林城外山

涉園在城外有新園在城中  
白喜鈔書下榻于此

柳絲纓帶一堤盤烏蹄夜發

東將詩

艇

臺右

地名烏髯村晉何后生於此山即陵其也

鶴夢秋回故國寒海角明燈天際想幅巾整舸

月中看鏡仙舊日風流在詞版喧傳酒未闌

十五日馬生允彭從子至中先歸

同出何先返董生已作倡

初董生采以兒病先歸

偶留老子興獨酌次公狂千卷

堆僧舫單衣趁夜航到家傳要語善護菜根香

十六日送商隱歸半邏

船留遊屐住客送主人歸后土愁乾濕神仙耐是非蜃雲經雨散

鱖浪過秋微舉手期何日僧窓話夕暉

十六日集飲曹希文廉讓堂

木拒霜開蛻碧梧高齋列坐引康瓠五星東井誰關係兩戒南龍

事有無白髮消浮名消醉夢青燈白句散江湖未除豪氣知狂在

酒後循環看轆轤

一作病後登山噴僕扶

十七日集飲俞漢乘海壽堂

老畏詞場語闌新：知却舉廿年陳海邊對月一杯酒洞裡看花

何代代人跌宕楚僧麤飲啗勾留遊客軟風塵宣和檀板開元遂

到處相逢舊國春

十八日海塘觀潮：是日獨小

馮夷駕鼓陽侯舞玉女雲車卷翠旗今日聲容何寥寞故應知

東將詩

六

放舟歸

弟子誰從海岫迴刺舟人上伯牙臺神龍欲聽元音淡分付寒潮

密之來

伯牙琴臺在  
聞琴橋北

十九日暮同諸子登天寧寺塔

海山秋綽約海雲秋離奇中國地既盡海外天亦低落日半規紫雲  
山已無輝追逐上危級絕頂留瞻微返顧但溟茫神州不可知星  
隕狐狸號萬鬼乘蛟螭昔聞弱水東樓船或過之中有珠貝宮可  
接扶桑枝古僊俱羽化傳法兒童痴洞府日零落魚龍將安依縹  
緲指西極餘光匿崦嵫駿馭久不返何人會瑤池鄧林老作賦賊

渴死徒爾為黑風一吹息九埜無高卑俯視盡樊籠夜半聞天雞

二十日歸舟過硤山不及登夜抵邨莊作

出門興會長邱壑皆勇往歸路近輕急見山不能上境理豈或殊  
人意自分兩孤蓬統平蠻一塔相俯仰塔根細路縈綠石入林莽  
樵擔互隱現笑語半山響松身斜照黃微露僧樓敞溪情幾曲蟠  
峯雲三面賞雖未歷幽微已喜窺大象寄語登臨家莫輕見聞廣

何求老人詩稿歎氣集 癸亥

祈死詩

貧賤何當富貴衡今知死定勝如生秦山已換鴻毛重鬼窟猶爭  
漆火明那得其人藏碧血諒無他法愈青盲可憐未聽童呼問  
上安然睡五更

幻骨拈花白晝昏自云我輩滿乾坤美人褰戶驚羅刹法士登壇  
化老獺喜有故交盈下地知無怪物鎖山根此行未必非奇福沽  
酒泉臺得快論

誰搃角狂思聖可期即今老病復何為諸賢先我成千古絕學依誰

守一師偶有商量空捫舌每聞淆亂但攢眉請從徽國遊天上猶  
及吟風立雪時

萬古江湖壅澗泥蘭苕翡翠亦醞鷄重陳芻狗衣文繡突過牛車  
中采齋廁鬼隊中尋太白伽藍位下講昌黎老生袖有琅玕筆只  
合携歸碧落題

五百年来鄭浦江外王內聖一家歲吾生不護與三代此事猶堪  
式萬方安得仲謀勝犬豕徒教元亮志羲皇可知天未容鄉爾鄉  
自違天取速止

悔來早不莖青山浪竊浮名飽豆簞作賊作僧何者是賣文賣藥

汝乎安便令百歲徒增憾行及重泉稍自寬一事無成空手去先  
人垂問對應難

訂魏親家往西溪河渚看梅雨阻不果

衝雨上孤篷雙槽爨尾關叩門罷寒軒暄告赴梅花候交親諳我痴  
騎馬探芳岫報言時正佳暗香七分透外舍襍衾裯中厨潔觥豆  
夢回屋瓦鳴空床響懸漏驚坐炷壁燈雷火迸衣袖徒倚不成眠  
苦為花儻憊蓓蕾猶可當爛熳禁馳驟正如壯盛年世難風雨驟  
縱及晚景收精華已消覆自嗟老逆天舉動逢乖繆為阻一人遊  
橫作千秋疾我不害梅花梅苔由我瘦默然深掩閤一枝謝寒甃  
歎氣集

墻陰婦鳩還窺窓笑相咒

七日同遊西湖過南岸石壁下

乍雨還晴漏日光  
按藍斷際水雲長  
兩峯依舊無顏色  
片石稀微  
又夕陽僧帽故人今不識  
酒樓往事老難忘  
低頭暗記南陵路  
坐失疎花繞岸香

八日承招集湖舫雨雪竟日

烟霧深、畫舫孤舉杯點、雪跳珠  
雨初生處峯先隱  
水沒垠來  
天欲無舊住名園埋戰骨  
新過楚寺闕妖姝  
陸公祠畔停橈問  
四十年前賣酒壚

雪夜宿湖中

群山盡沒海天開  
揉碎寒花當落梅  
燈下推窓問三老  
幾人臥看雪湖來

玉屑飛過雨脚收  
痴雲猶戀遠峯頭  
夜闌忽打篷窓急  
不許梅花引夢遊

湖中曉起

髻矗螺濃粉澤香  
烏銅鏡裡闌新妝  
湖心雪起烟波颭  
亂潑銀盆百和湯

雪中放舟

欵氣集

尋梅雨溜堦遊山雪傾蓋平生事每然習慣無足怪一艇破蒼烟  
滅沒孤鷗會水遠雪勢深流落滄洲來好友惜良辰携尊思一快  
對景意不舒凭欄發清喟曰余無不宜茲遊正好在阿閣接新歌  
高樓斫鮮膾但爭軟暖歡安知冷淡界微茫更深入始覺胸眼大  
天意儘無端吾興終不敗

泊舟看雪裡紅梅

短：泥牆繚水邊漫空冰雪弄嬋娟緜衣朱穎窺新寡羽蓋丹綃  
倚醉仙小立闌干瓊佩落半垂簾幙寶燈懸可憐今夜橫斜影獨  
送寒香到酒船

雪夜再宿湖中

二月西湖雪誰能秉燭遊白鋪山作骨青破斲為頭海內疑無地  
空中別有樓莫愁波浪濶萬古剩虛舟

湖心亭小憩

雪後山容靜風前柳態舒夜泉懸磴壁春水上堦除尚有遊人過  
終于塵事疎茲亭并剗却幽意復何如

晚從湖上歸戲得四絕句

年來愁病苦交加強出尋春遇鬼車弄雨欺風還做雪問渠怪我

怪梅老

歎氣集

便不省花也自由何須冰霰壓船頭明朝歸掩虛窓坐好放晴光  
颺畫樓

尋梅不得猶閒事着屐尋山又作魔片石高齋三兩齋看君爭奈  
老僧何

仙人大笑子何愚兩裡寒梅雪裏湖天上清緣茲第一尋常美景  
那家無

坐雨有感

風驅雲入山出山雲化雨潤暗泉生泉急溪流聚群溪會大江  
江宗海為主天性本輕清出門猶甘乳洪濤一浩蕩淡質變鹹苦

尾閭竟不還腥濁成終古寄書故鄉雲巘岫莫輕舉一落難復收  
下流安可處

夜中雪又大作十三日驟積凝寒飲高齋有懷

裂竹低頭恨有聲凍梅徹骨泣無情湖山色向幾時改日月光從  
何處生越酒圍鑪冰箸坼吳吟擁被紙窓明故園此際知相憶呵  
手鈔經藁未成

後坐雨有感

日出海水翻新雲魚鱗生東風吹海急送之中原行高山阻風脚  
巖巒得經營中有古者雲凝結洞府精手握造化權而無涉世情  
歎氣集

新雲拜古雲自愧雲質腥何用脫塵鞅終不墮環瀛古雲笑相對  
升沉視所成千年或不一出宇宙更萬象露菁華其體仍上騰  
豈如陰濁姿飄急隨風聲本無潤物力但爭電火榮汙流豈苟合安  
能辭整阮長跪願少留鍛鍊還輕清君看時會至膚寸天下驚

妙山送陳生鏃歸兼示諸子

子出孤雲外吾還落照邊山菴相對處虛榻一棲然語次神驚虎  
經殼聚亂鷗他年情境異猶憶在寒泉  
衰病心逾切諸君事若何烏頭無我力鈎吻誤人多真愛青山好  
頻須赤腳過桃花笑漁子慣唱轉船歌

金陵徐子貫携其尊人詩文過妙山見示信宿別歸感賦

十年不吃孔廬茶何處星茫掩白沙愛我驢鳴無處作喜君驥種  
又成家生存杯酒論猶易身後傳文法有加夜半妙山：月吐一  
彈窗外再咨嗟

畲黃晦木

寄語南山老鷓鴣真行不得也哥：虛疑世亂人才少只覺年衰  
病痛多雖甚難為猶下藥直無可說已成魔還思共吐胸中積將  
子能來及早過

右 何求老人殘稿七卷總為詩四百六十三首記癸亥六月  
子歸自妙山病轉劇捫養於觀稼樓西竹溪荷靜處早晚一畊出釣  
屋中會諸生餘即不出有傳呼則擊磬諸生有所稟問則書小帖投  
進隨時批示乃取生平所作詩芟定卷帙命三兄無欲總錄為一冊  
而自書 何求老人殘稿六大字於冊端其餘悉焚棄然前此朋友  
往：相抄錄故既芟之作亦多尚有流傳鴻達愍後之人或混收入  
編入失芟訂定之本然故別為目錄一卷附於集後若 子詩用意  
深遠非常侍左右見其行事者卒難曉解尤愍後人或妄為穿鑿浸  
失本旨故又為釋畧一卷附於目錄之後第取其中有為而發及寓

意深遠者畧為指陳大意覽之自當了然其有明白易解及可諷咏  
意會而得者不復悉釋欲人自得之也間筆一二則亦不過欲人即  
此以求其餘知全詩當作如是融會耳有不敢臆斷為必然者則但  
為疑辭以俟後人參考其使事出處亦偶舉一二而不全註以非其  
緊要且徵在方策自可考而知管人謂不讀萬卷書不可觀杜詩豈  
無謂歟至於其中譌字往之不免方三兄寫錄時如訪黃俞邵一首  
第四句云豈期醉影晝登床晝作晝余訝而問之再三三兄固以為  
不悞及後見子親書卷乃晝也然則其原本誤處蓋不少今亦細  
加訂考為之是正或亦無善本可據則但識云疑當作某字不敢輒

改云門人嚴鴻達謹記

集外詩

按此卷詩正先生病卧中刪棄之作也一生吟咏當不止此於語溪鍾氏架上得之亟為抄錄虬鱗片甲亦不得不珍惜也

柞水後學

謹識

送杜蛻思之金陵

北風解雁落寒毅送遠登高見別情  
橫野亂成秋草濶孤城低俯暮  
天平驚聞諸將叔三楚喜共先生話  
西京鐘簾久移廟貌改思量奏

草便沾纓

飲四兄處同曹叔則分韵

嘈：夜雨空城急忽：林風萬樹崩  
枝鹿礙雲衝獵網跳魚帶草上

魚魯哀時高會誠難得惡俗題詩也不應今日諸君須痛飲旌旗聞  
已下江陵按本句蓋指偽周之陷荊州也照依集中編次則當在零  
星稿內而置之贈二黃詩真蓋後人從焚餘收拾不無凌  
亂耳

贈黃太冲

生年已是崇禎初正值先生哭上書先帝神明形鑄鼎群奸窺伺力  
翻車黑龍飲渭燕雲沒白馬投河江左虛此事由來能破國吾謀不  
用遼當諸

其二

淒：宮殿越江頭渺：帆檣傍遠洲一日崖山猶帝宋廿年新室摠

臣劉島中必士經團練海外遺書費纂修百折不磨存瘦骨滂沱老  
眼淚難收

次韵荅黃晦木

不慙稷契是前身却愧釜魚甑有塵遠抱硯山尋北固直隨流水入  
西隣九千里外人應在十八年來興未湮與晦木別  
十八年龍鳳一時誰辨  
得請從水鏡別群倫此蓋先生初稿集中有一首惟頷聯及韵脚  
與此同餘俱異乃其定本也語溪鍾氏原註

其二

羶笠青城憶宋欽金鰲背上聽潮音殘身不受碧山約短髮偏驚白  
雪侵莽：塵沙投客夢滔：波浪見天心愁君浩氣難羈縛唾向圖

書子細尋

同胡天木孫子度訂東莊詩約

莫向新亭涕淚傾  
神州戮力定何人  
止因詩酒生吾輩  
便合林巒棄此身  
蕉尾迎風翻馬鬣  
松根着雨洗龍鱗  
幽棲偕隱那無計  
自是泥蟠性未馴

寄高元發乞滇茶

滇中本屬古涼州  
太祖平元置列侯  
豈謂翠華臨絕塞  
翻從蠻徼內防秋  
身歸行在驚虛夢  
坐對名花當遠遊  
分贈深愁君意好  
恍疑人到麗江頭

按高元發即虞尊之初字虞尊壬寅間身羈土室是詩當作于壬寅之前意斯時湖湘以南尚係勝國版圖故中二

吳孟舉以詩報請留者次韵

杜甫詩哀舊子孫  
乞奴那敢自言尊  
人間一以牛為馬  
剝極安知復在坤  
好倩旁人相簡點  
直教良友共煩冤  
小窓夜讀南華過  
鼠臂虫肝總不論

收拾郭東莊

麥苗風起漾新晴  
屋角提壺又勸耕  
比戶晚烟鴉雀亂  
滿邨落日牛羊鳴  
鐵椎鋤那無意  
飲井耕田總不平  
寄報江南隱君子  
衡冠上指為蒼生

舟次

野樹昂頭上遠天通紅兩岸火燒田人隨鐘磬通精舍鳥弄魚蝦落  
釣船醉裡忽忘家遠近愁時只有水連綿翻嫌秋色無情極到處逢  
君便黯然

以上十一首俱  
手書扇額 語溪鍾氏原註 先生

過句容

孤城斗大壑山根遠色蒼：日已昏千里温顏欣在望半生奇計與  
誰論荒雞月下殺何少老樹溪邊皮不存此去祇為康濟事蓬蒿掩  
徑石支門

道中感事

山勢低仍迥天光暖欲浮野分春草綠江入暮雲流飢鳥蜚簷下羸  
牛過陌頭道旁無限意扣角起悲謳

其二

湘潭師喪律吳越歲無秋天下紛：闔鄉閔渺：愁一岡土赤埴幾  
个鳥鈎舡最是關心者牛羊繞戍樓

泊吳門遊上方山

去年吹帽地此日掉舟來柳幕蒼陰間山腰湖面開妖姬歌白雪古  
佛繡蒼苔盡醉知何處殘雲送落暉

自吳門返南陽里居

吳歌歎乃櫓般雙搖興盡歸來亦太豪紅雨落殘花事老綠烟拂過  
水痕高雞穀人跡環桑圃細霰斜帆近板橋經歲不知田舍樂方塘  
潑刺看銀刀

答周龍容

梅花落盡柳蒼々夢裡南邨日影長處士衣冠方駭俗諸生綿蕞未  
成行直教氣象還三代何必雕虫過二王幾日羽陵修蠹簡端為學  
術辨毫芒

其二

惟君閱罷當矇箴并約良朋携杖尋每道米鹽多理要可知香火自

情深寫時甚敬無非學立地能行是有心一自鐵函藏土壁郵筒此  
外任浮沉

其三

凍筆摩娑過歲除錦囊貯取十年餘換羊每笑千人帖画虎常嚴戒  
子書泉石以遊心易戀友朋相對眼總舒蒲帆不怕西風利一看荒  
莊籬落疎按此三律乃癸丑歲寓居南都所作也格高意遠雖置集  
外亦可謂名咏矣黃山谷集外詩後人多有選錄者穀價  
何嘗少貶哉

送人

按此人疑即黃太冲之子太冲館於先生家其子名。第三首者嘗隨父讀書故有文采傳家等句黃氏世居剡曲故知以詩文自娛其訓子亦不外是此至絕學傳燈茫如捕影

先生素精研閩洛之學而獎進後學之心尤孜孜不倦上頭  
儘更有商量欲累層臺須作基皆此意也此解曾廣諸女陽  
鍾改翁改翁深以為然伊係靜遠先生之子此等處必有可  
據矣。太冲子三人長百藥次正誼次百家  
清如秋水點秋霜齒頰初開妙有香文采傳家餘事耳上頭儘更有  
商量

其二

上頭有事未能知欲累層臺須作基座有人師家有學夜行得燭待  
何時

其三

王謝風流一縷強茫々墜緒屬兒郎阿翁這段殷勤意坐看鸛雞作

鳳皇

人日

人間談笑卜平安天下陰晴一歲看莫倚風雲欺客眼做天爭比做  
人難

其二

天地無根笑此身飄零海內與誰論題詩欲報高常侍怕說東西南  
北人

喜張佩璵過廓如樓次韵

圓魄當庭四角方危欄佳處坐清涼寒生九月蒼逾好影落三人夜

正長此事有誰曾此論相看無語更相伴自慙渴死難追逐猶荷瑀

戈傍魯陽

按夢覺集中有此題詩一首韻脚亦相符唯頤長字不合意原詩必以二律見贈故和篇亦有二首不在集中者

殆定時錄彼而棄此耳或謂即係集中所錄之原本則芟改不應如此太甚且語意各殊斷非一律也

寅旭攀危石上山頂曰話退之登華山事次韻

按自此至湖上酒冬度歲時所作與前真臘凝寒集蓋出於一時云

已登絕頂不須留四顧何妨一涕流多却投書此子意潮州謝表大

顛表

至茶磨寄大辛書次商隱韻

遣信愁難達詩郵茶磨宜磴門頭髻接蘇印齒痕比凍瀑雲攜出疎

蒼雪壑遲懸知驚晝睡 訖定東馳

和大辛韻

四座驚添客屨重攜之九十九尖峰遮留赤日東西鬣逼窄黃塵上下春詩伯合圍鑿白戰醉侯寔戶益新封掣禪吹帽歎相趨便是韓雲逐孟龍

湖上偶成次韻

赤伏符移漢臘春寒景初曆已改干支縱然不是大興統寧使茲湖

號永安

其二

路入天涯海角中  
醉鄉開國祖無功  
巫陽若肯招人醒  
只用東南十日風

其三

繞盡橫塘翠袖寒  
故園諸友憶闌干  
何當兩翅攜公等  
一百峰頭處處安

其四

連陰坐卧小樓中  
斷句成章積有功  
始信算愁無事做  
半生錯怨雨和風



甲寅夏五收得此書雖非舊抄而字畫  
頗工整知非胥鈔也去歲搆得亮切一硯  
背有銘今讀題諒功遺稿後一絕想見

諒功之為人吳氏爾窩集中有諒功傳可  
改也湯記




是母為拜經樓吳氏舊藏後歸別下  
齋前氏吾友徐寅金司馬得之有  
年以不著誤人名出而見聯余袖歸  
挑燈讀之知是語熟三留良所作  
何求老人其晚節也當時列入禁于



故流傳絕無竟復德教語以遠之  
丙申冬十一月以漢朱昌蓋書於符海  
之南窗





石印  
是價

映川  
徐氏  
印

